



Saksframlegg

Sakshandsamar:	Dag Botnen, brannsjef	Arkivkode:	021
Arkivsak nr:	Styre 23/062	Dato:	12.12.2023

Handsamingsorgan:

Styret for Haugaland brann og redning iks 13.12.2023 vedtak

TRIMROM VED BRANNSTASJONAR

HANDSAMING:

Brannsjefen sin tilråding

1. Styret for Haugaland brann og redning iks ber om at trimrom vert oppretthalde som eit viktig areal for å oppfylle arbeidsgjevar sine plikter i å legge til rette for eit forsvarleg arbeidsmiljø.

Styret er innforstått med vedtaket i representantskapet 10.11.2023 vedr. ein innsparings- og effektiviseringsplan og vil starte ein prosess for dette arbeidet, ref. sak 23/055.

Sakshandsaming i styret 13.12.2023

Vedtak i styret for Haugaland brann og redning iks

SAKSOPPLYSNINGAR:

I samband med oppfølging av tilsyn frå Arbeidstilsynet er det vedteke å bygge ny brannstasjon i Aksdal. I samband med planleggingsfase, er det 11.12.2023 kome e-post frå leiar og nestleiar i representantskapet til styreleiar:

Hei

Med bakgrunn i sist rep.skap så opplever vi at økonomi blir et tema som kommer til å være en av viktige fokusområder fremover. På vegne av eierkommunen vil jeg og nestleder i rep.skapet sende inn sak til styremøte dere skal ha denne uka.

Sak: Minimumsstandard for stasjoner i Haugaland brann og redning IKS

Fleire av eigarkommunane i HBR skal i nær framtid byggja nye brannstasjonar, for nokre er pålegg frå arbeidstilsynet medverkande årsak til behovet for dette. På bakgrunn av vedtak og grunngjeving i sak 23/014 i representantskapsmøtet 10.11.23, der styret blir bede om å etablere eit innsparings- og effektiviseringsprogram der det blant anna «...vert forutsett at HBR arbeidar tett med eigarkommunane for å bidra til at nye stasjonar vert realisert på ein nøktern og kostnadseffektiv måte.» Eigarkommunane Tysvær, Karmøy, Vindafjord, Utsira, Sveio og Bokn meiner dette betyr at selskapet skal finne ytterlegare kostnadsreduksjon ved bygging av nye brannstasjonar enn det som ligg til grunn i gjeldande Minimumsstandard for stasjoner i Haugaland brann og redning IKS frå 2018.

Framlegg til vedtak:

1. *Ikkje-lovpålagt areal og funksjonar vert tatt ut av prosjektering og bygging av dei nye brannstasjonane der ein er komne lengst i planlegginga*
2. *Dokumentet Minimumsstandard for stasjoner i Haugaland brann og redning IKS frå 2018 vert revidert iht pkt 1 og lagt fram for representantskapet for vedtak.*

Ser frem til et godt samarbeid fremover.

Veileder av 16.10.2018 – brannstasjonar for HBR iks, handsama av representantskapet 10.10.2019, sak 19/021, seier i punkt 2.7:

2.7 *Treningsrom Arbeidstilsynet stiller fysiske krav til røykdykkere og brannvesenet som arbeidsgiver plikter å legge til rette for trening jfr. SFS 2404 punkt 1.5. Alle stasjonene skal ha treningsrom som gjør at minimum 2-3 mann kan trene samtidig, treningsrommene må inneholde nødvendig treningsutstyr til å gjennomføre relevant trening opp mot fysiske krav. Treningsrom på stasjonen vil gjøre at den årlige fysiske testen av brannmannskap kan gjennomføres på stasjonene.*

Sentral forbundsvis særavtale SFS 2404, som arbeidsgjevar- og arbeidstakarpartane, seier i punkt 1.5:

1.5 *Tilrettelegging for fysisk aktivitet og HMS-arbeid*

Arbeidsgiver plikter å legge forholdene til rette for fysisk trening for alle ansatte innenfor brann- og redningstjenesten som har dette som et lovpålagt krav.

Det forutsettes at det innenfor virksomheten utføres et aktivt HMS-arbeid. Dette skal bl.a. kartlegge og beskrive mannskapenes fysiske og psykiske helse i forhold til de oppgaver de skal utføre. I denne forbindelse kan jevnlig gjennomføring av fysisk test være et godt virkemiddel.

Vedtak i representantskapet 10.11.2023, sak 23/014 har under sakshandsaming fastsett:

(...) Det vert forutsett at HBR arbeidar tett med eigarkommunane for å bidra til at nye stasjonar vert realisert på ein nøktern og kostnadseffektiv måte (...)

Det som skal vurderast i saka er kva som er å rekne som «ikkje-lovpålagt» areal for ein brannstasjon og revidere den interne rettleiar for brannstasjonar ut frå dette. Sjølv om det ikkje står i e-post frå leiar/nestleiar for representantskapet, er me kjent med at saka konkret er knytt opp mot prosjekteringa av Aksdal brannstasjon med eller utan treningsrom. Det er dette arealet som vert vurdert med bakgrunn i kort frist for å framleggje saka til styremøte.

Revidert rettleiar skal leggest fram for representantskapet.

VURDERINGAR:

Krav i lov og forskrift

Sjølv om Arbeidstilsynet ikkje krev areal for treningsrom, er eit brann- og redningsvesen pliktig til å innfri sentral forbundsvis særavtale SFS 2404 og skal legge til rette for trening for sine tilsette.

Løysingar

For Aksdal stasjon er to alternativ vurdert:

1. Treningsrom på stasjonen
2. Abonnement på treningssenter

1. Treningsrom på stasjonen

Dette er norm for dei brannstasjonar som vert ført opp for brann- og redningsvesen rundt om i landet.

Kostnad for 40 m² er estimert til kr 35 000,- per m² basert på estimat frå Omega Plan As og erfaringstal frå hovudbrannstasjonen. Ved å ta utgangspunkt i nedbetalingsplan for leigeavtalens som er 50 år med ei rente på 2,37 %, vil årleg kostnad vera kr 48 087,-.

2. Abonnement på treningssenter

Løysinga forutset at det er treningssenter tilgjengeleg innanfor krav til gjeldande utrykningstid.

Kostnad for abonnement er ut frå tilgjengelegheit i dag, kr 89 440,- per år. Dette er en rabattert pris etter å ha sendt inn prisførespurnad til aktuelt treningssenter.

Pristilbod er frå eit treningssenter på Frakkagjerd som ligg mindre enn 5 km frå Aksdal stasjon, som er det som kan akseptast med tanke på avstand og utrykningstid. For brannstasjonar utan vaktordning er brannvesenet avhengig av at tilsette i stor grad oppheld seg i lokalområdet (HBR set i arbeidsavtale krav til heimeadresse og arbeidsstad). Treningscenter eller andre brannstasjonar med lengre avstandar frå Aksdal brannstasjon vil redusere beredskapen.

Kostnadsreduksjon

Kostnadsreduksjon i samband med bygging av nye brannstasjonar har vore eit fokusområde for HBR sidan oppstart av selskapet. Deltidsstasjonane i HBR er vesentleg reduserte i storleik, teknisk utstyr og funksjonar som ein positiv konsekvens av at vi har hatt søkelys på å finna effektive løysingar med gode synergjar knytta opp mot hovudbrannstasjonen.

HBR har samla fleire tenester og arbeidsoppgåver på hovudbrannstasjonen framfor at desse er etablert på kvar einskild stasjon.

Rettleiaren som er utarbeidd er utarbeidd saman med tillitsvalde og vernetenesta. Areal som er «kjempe å ha» er teke vekk i dette arbeidet. Trimrom er vurdert som viktig for å leggje til rette for arbeidsgjevar si plikt for å oppretthalde ein god fysisk form. Økonomi er vurdert i denne prioriteringa.

Brann- og redningsvesenet er ei av få yrkesgrupper som har krav til fysisk helse der det også er god økonomi i å halde på tilsette så lenge som råd. Då er investering i treningsrom gunstig utover berre kostnad per kvadratmeter.

Haugaland brann og redning iks er innforstått med at det skal vera nøkterne brannstasjonar for å halde kostnadane nede. Dette arbeidet pliktar me å følgje opp, men me meiner at reduksjon av trimrom ikkje er vegen å gå.

Prosess

Som ein konsekvens av kort tid for sakshandsaming, har det ikkje vore mogleg å utøve medverknad overfor verneombod og tillitsvalte jf. arbeidsmiljøloven § 6-2 punkt 4 og § 8-1 punkt 1. Eit anna vedtak enn det som brannsjefen legg fram som forslag, må ta omsyn til dette.

Det er også ein usikkerheit i om det implisitt i bestillinga er forventa at etablering av brannstasjonar skal avvastast i påvente av representantskapsmøte til våren 2023. Dette kan i så fall få konsekvensar i Arbeidstilsynet sin oppfølging av pålegg overfor selskapet.

Haugesund, 12.12.2023

Dag Botnen
brannsjef

Dokument i saka:

1. E-post frå representantskapsleiar og nestleiar, datert 11.12.2023
2. Veileder av 16.10.2018 – brannstasjonar for HBR iks,
3. Sak 19/021 – handlingsplan brannstasjonar, datert 10.10.2019
4. Sak 23/014 – budsjett 2024 med økonomi- og handlingsplan 2024-2027
5. Sentral forbundsvis særavtale SFS 2404
6. E-post til brannsjefen fra verneombud 01.12.2023 (vedlagt)

Vedlegg: Dokument 6

Fra: Ole Jonny Espevold <Ole-Jonny.Espevold@tysver.kommune.no>

Sendt: 1. desember 2023 06:51

Til: Dag Botnen <Dag.Botnen@hbre.no>

Kopi: torbjla7 <torbjla7@gmail.com>

Emne: Ny Aksdal stasjon

Som plassverneombud. Så har jeg nå noen bekymringer arbeidsmiljøet på Aksdal stasjon

Tysvær kommune trenerer kravet om treningsrom, og sier HBRE kan legge til rette for dette på annet sted. Og dermed er det en utsettelse på planlegging og bygging. Det jeg er redd for at HBRE blir presset til å godta å bygge uten. Dette vil gå utover arbeidsmiljøet som begynner å bli presset nå pga at ting tar lang tid og de har sett frem til å få en ny stasjon med gode treningsfasiliteter.

De lurere på om dette er takken for at de til nå har vært lojal med TK og HBRE.

Tysvær kommune kan heller ikke gå igang med bygging på nabotomta til eksisterende brannstasjon før ny brannstasjon er på plass.

Ole Jonny Espevold

Verneombud

HBRE iks

Tysvær og Bokn

